

Armenian A: literature – Standard level – Paper 1

Arménien A : littérature – Niveau moyen – Épreuve 1

Armenio A: literatura – Nivel medio – Prueba 1

Friday 8 May 2015 (afternoon)
 Vendredi 8 mai 2015 (après-midi)
 Viernes 8 de mayo de 2015 (tarde)

1 hour 30 minutes / 1 heure 30 minutes / 1 hora 30 minutos

Instructions to candidates

- Do not open this examination paper until instructed to do so.
- Write a guided literary analysis on one passage only. In your answer you must address both of the guiding questions provided.
- The maximum mark for this examination paper is **[20 marks]**.

Instructions destinées aux candidats

- N'ouvrez pas cette épreuve avant d'y être autorisé(e).
- Rédigez une analyse littéraire dirigée d'un seul des passages. Les deux questions d'orientation fournies doivent être traitées dans votre réponse.
- Le nombre maximum de points pour cette épreuve d'examen est de **[20 points]**.

Instrucciones para los alumnos

- No abra esta prueba hasta que se lo autoricen.
- Escriba un análisis literario guiado sobre un solo pasaje. Debe abordar las dos preguntas de orientación en su respuesta.
- La puntuación máxima para esta prueba de examen es **[20 puntos]**.

Հետևյալ հատվածներից **մեկի** մասին գրեք մի գրական մեկնաբանություն: Զեր պատասխանը պետք է շոշափի ներկայացված երկու հարցումները:

1.

- Ավետիս Յափնջյանը որդին էր Կիրկոր Յափնջյանի, որը Կոստանդնուպոլսի նավամատուցում բեռնակիր էր, որդին էր բեռնակիր Յափնջիի: 1915թվականի տիտոր դեպքերը սկսվեցին Կոստանդնուպոլսի բեռնակիրներից: Նրանք ասես այն մազն էին, որի վրա վարսավիրը փորձում է նոր սրած իր ածելին: Դետք է ասել, որ ածելին հմտորեն կտրեց, և որովհետև բեռնակիրներից ոչինչ չէր կարելի վերցնել փալաններից բացի, նրանց կտորտանքները թափեցին ծովը: Ծովը հետո դուրս էր զցում ինչ-որ առարկաներ, և դժվար էր որոշել, թե ո՞ր փալանն էր հորը՝ Յափնջիինը, ու ո՞րը որդունը՝ Կիրկորինը: Ավետիս Յափնջյանը անդամալույթ ոտքերով քրոջը թաքցրեց մի պառավ լազի տանն ու տնտեսած չնշին դրամներով պահում էր խեղճ լազին ու անօգնական քրոջը: Հետազայում, եթք
- 5 փոքր-ինչ հանդարտովեց իրարրությունը, նա, լազին վահանի պես դեմ անելով, խեղանդամ քրոջը՝ Գարանին, շալակն առած, սկսեց շարժվել Սև ծովի ափով դեպի արևելք: Լազը մնաց Էրզրումում, իսկ իրենք՝ Յափնջյան եղբայրն ու քույրը, շարունակեցին ճամփան: Դանդաղ, թաքնվելով, հաց ձարելով, Գարանը միշտ մեջքին, միշտ աչքից հեռու, հետևողական ու համառորեն շարժվում էր Ավետիսը դեպի Կովկաս: Ավետիսի մեջքին վերքեր էին առաջացել,
- 10 15 ողնաշարը ցավում էր, ու հենց այդ ցավն էր հիշեցնում նրան, որ բեռոր թանկ է իր համար, բեռը մեծ է ու սիրելի՝ Յափնջիներից ամենաանպաշտպանը... Այդ ցավը տեսանող էր, կամք ուներ, իր խորհուրդն ուներ և ընդդիմաբանում էր Ավետիսի վրայից, Ավետիսին անհայտ շատ հեռուների հետ... Եվ ուժ էր տալիս ցավը, համառություն էին ծնում վերքերը, լողում էին Ավետիսի մկաններն ու շարժում նրան առաջ...
- 20 25 Ավետիսը չէր պատկերացնում իրենց հետագա վիճակը, բայց շարժվում էր, որովհետև մի բան էր միայն մնացել հիմա՝ շարժվել: Ու մեծագույն նպատակը դա էր... Գարանի համար դժվար էր. բացի այն, որ նա նեղվում էր եղբոր վրա բեռ լինելուց, նաև ցավում էին նրա անդամալույթ ոտքերը, որովայնն ու կուրծքը: Միակ բանը, որ կարող էր անել նա, դա երգելն էր երբեմն-երբեմն, մեղմ ու պարզ... Երգում էր շուրջերը եղբոր ականջի մեջ, երկնքի մասին, ծովի մասին, սարերի մասին... Երգում էր եղբոր ականջին, և ուրիշը չէր լսի, իրենցն էր երգն ու աշխարհինը...
- Եվ էլի Գարանը եղբոր համար խոսում էր. «Ավետիս ջան, աղբար ջան, դու իմ մերոն ես, դու իմ հերոն ես... խեղճ Ավետիս ջան, լավ Ավետիս ջան, քաջ Ավետիս ջան, անբախտ Ավետիս ջան...»:
- 30 35 Ճամփին պատահող մարդիկ թեպետ տեսել էին հիվանդ շալակած ուղևորի, բայց եղբոր ու քրոջ միացյալ կերպարանքը հիշեցնում էր ՄԱՐԴՈՒ վիճակը:
- Նրանց տեսնողներից յուրաքանչյուրը մի ծանրություն էր կրում կամ սրտի խորքում, կամ մեջքի վրա, կամ հիշողության շերտերում, կամ երևակայության մեջ... 1916թվականի փետրվարին Ավետիսը՝ քույրը շալակին, հասավ Բաթում: Լեռներում, ամայության մեջ Ավետիսի գերակա նմանակը կար՝ իրենից ավելի մոտ իրեն: Ավետիսը խոսում էր, պատասխան լսում նրանից: Դիմացը մի մեծ բան կար, և՝ ցայզաբացը, և՝ իրիկնամուտը, և՝ գիշերը՝ մգամութ և խոժոռ, լսում էին Ավետիսին: Եվ նա կարող էր նեղանալ նրանց մեծ համակայությունից, որ դեմք ուներ ուներ ու սիրտ, որ պատասխանատու էր Ավետիսի վշտերի համար, ու Ավետիսը համոզված էր, որ իր վշտերից նրա սիրտն ավելի պիտի ցավի:

40 Եվ կարող էր խռովել Ավետիսը նրանից, և կարող էր նրա կողմից ու նրա հայացքով խղճալ իրեն, և կարող էր պահ տալ նրան իր մեծ վիշտը, իր հոր ու պապի պատկերները, և քրոջ՝ Գարանի, ու իր ներքին պատկերները...

Իսկ այստեղ՝ Բարումում, շատ մարդ կար, և նրանք վարագութել էին չորսբոլորը, ու դիմացը ամայություն էր: Նրանց լեզուն չգիտեր Ավետիսը, նրանց աշքերը չեր տեսնում

45 Ավետիսը, նրանցից նեղանալ չեր կարող Ավետիսը... Նրանցից շատերը, ու նույնիսկ հայերը նրանց մեջ իրեն գաղթական էին անվանում անպատվության պես: Իրենց նման մի գաղթական՝ Ստեփան անունով, բնակվելու համար տեղ տվեց պարոն Զեմմելի երկիարկանի տան պատուհանների տակ: Ինքն ապրում էր կողքի նկուղում և աստիճանների տակ պահում էր ավելներն ու դույլերը: Ստեփանն ավելի շուտ էր գաղթել, և արդեն բավականին 50 դասավորվել էր նրա կյանքը. որպես ապաստարանի վճար՝ ավլում էր պարոն Զեմմելի բակը, իսկ ցերեկներն աշախատում էր Մանթաշովի գործարանում:

Աղասի Այվազյան *Սովորական Մարդու Գինը* (1987)

(ա) Մեկնաբանել, թե ինչպե՞ս և ի՞նչ նպատակով է հեղինակը ներկայացրել ստեղծագործության հիմնախնդիրներն այս հատվածում:

(բ) Ի՞նչ կարող եք ասել այս հատվածում գործածված լեզվական և ոճական հնարքների մասին: Ինչպե՞ս է հեղինակը գործածել դրանք՝ բացահայտելու համար այս հատվածում տեղ գտած հիմնախնդիրները:

2.

ԾԱՇԱՎԱՅՐ

Առաջին անգամ աշխարհում տեսած
Իմ առավոտն է այնտեղ մսացել,
Նա, որ բուրում էր իբրև ցորեն հաց
Եվ բուրում իբրև զարնան հող ու ցել...

5 Եվ մսացել է առաջին անգամ
Աշխարհում տեսած իմ աղբյուրն այն ջինչ,
Որից զրնգուն ու անապական
Եվ որից պայծառ չտեսա ոչինչ:

Եվ մսացել է լուսեղեն մի ամպ,
10 Եվ մսացել է այնպիսի մի ձյուն,
Որ իր բարությամբ ու արդարությամբ
Նման էր այնպես մանկության աստծուն:

Առաջին անգամ աշխարհում տեսած
Իմ առավոտն է այնտեղ մսացել,
15 Երկինք ու բարդի, ճառագայթ ու լաց,
Իմ հողի հոտն է այնտեղ մսացել...

Վահագն Դավթյան *Ծննդավայր* (1972)

- (ա) Մեկնաբանել, թե ինչպես է հեղինակը բացահայտում հիշողության և կորստի թեմաները այս բանաստեղծությունում:
- (թ) Մեկնաբանել հեղինակի կողմից այս բանաստեղծությունում գործածված ոճական հնարքները և թե ինչպես են դրանք ձևավորում դրա իմաստը: